

die größte vrsach daran seind gewesen. Den
 bringen sie es dem Arzte/ vnd sprechen/ lie-
 ber sehet was meinem Kind gebreche/denn
 es kan weder gehen noch stehen / vnd sieht
 man jm doch nichts an / denn ein Haut ist
 wie die andere/weiß derhalben nicht wo es
 ihm geschehen ist/ Ich fürchte vbel es sey et-
 wan gefallen/oder verzaubert wordē/vnd
 wenn dann ein getrewer Arzt sagt / das
 Kind ist vberstelt/ gehoslet/oder zuviel mit
 jm gespielt worden/da sagen sie widerumb/
 O nein meinē Kind ist von vns nichts ge-
 schehen/ vnd wollen also jr Affenspiel nicht
 bekennen/wenn sie es aber bekenten wie jm
 beschehen were / so könnte man ihnen viel-
 leicht noch wol widerumb helffen. Darum
 rahte ich allen denen so zu rahten ist / seyd
 nicht Affen mit eweren oder ander Leuten
 Kinderen/ vnd lasset ihnen ihr gesundheit
 die ihnen Gott geben hat / ziehet vnd zers-
 ret sie nicht hin vnd wider von ort zu ort/
 von winckel zu winckel / dånkle / springe/
 vnd gauckle auch nicht mit ihnen / wie
 ein Kaß mit der Maus / denn was forcht
 darauß kommen ist / vnd was arbeitse-
 liger Leuten etwan darauß worden sein/
 habe ich nur zu viel erlebet vnd gesehen.
 Gleiches ist mir auch mit meinem ältes-
 ten Sohn begegnet/das mir/ vnd ihm/
 vnd allen denen so ihm günstig seind/

CCC iij

eiz